



Broj: 10-34-4124-7/20

Datum: 11.05.2020. godine

**Svim osnovnim i srednjim školama
Zeničko-dobojskog kantona
(putem e-maila)**

Predmet: Uputstvo osnovnim i srednjim školama na području Zeničko-dobojskog kantona, dostavlja se

Na osnovu člana 5. stav (8) i člana 33. stav (1) Zakona o osnovnoj školi ("Službene novine Zeničko-dobojskog kantona", broj: 3/18), te člana 7. stav (3) i člana 40. stav (1) Zakona o srednjoj školi ("Službene novine Zeničko-dobojskog kantona", broj: 9/17), a shodno Odluci Ministarstva za obrazovanje, nauku, kulturu i sport Zeničko-dobojskog kantona (akt broj: 10-38-9841-4-03/20 od 11.03.2020. godine), koja se odnosi na obavezno obustavljanje nastavnog procesa i pohađanja Programa obaveznog predškolskog odgoja i obrazovanja radi preventivnog djelovanja, suzbijanja i širenja corona virusa (COVID-19), Uputstva o organizaciji konsultativne nastave uz primjenu informaciono-komunikacijskih tehnologija u osnovnim i srednjim školama na području Zeničko-dobojskog kantona radi preventivnog djelovanja, suzbijanja, širenja corona virusa (COVID-19) u školskoj 2019/2020. godini (akt broj: 10-34-4124/20 od 12.03.2020. godine), Uputstva o organizaciji rada i nastavnog procesa u osnovnim i srednjim školama na području Zeničko-dobojskog kantona (akt broj: 10-34-4124-2/20 od 30.03.2020. godine), Uputstva o načinu praćenja, vrednovanja i ocjenjivanja učenika u osnovnim i srednjim školama na području Zeničko-dobojskog kantona (akt broj: 10-34-4124-3/20 od 07.04.2020. godine), te Uputstva o načinu polaganja mature i završnog ispita u srednjim školama na područja Zeničko-dobojskog kantona (akt broj: 10-34-4124-4/20. od 13.04.2020.godine), Ministarstvo za obrazovanje, nauku, kulturu i sport Zeničko-dobojskog kantona daje sljedeće:

U P U T S T V O

o načinu izvođenja zaključnih ocjena i okončanju nastavne godine uz primjenu informaciono-komunikacijskih tehnologija u osnovnim i srednjim školama na području Zeničko-dobojskog kantona

A) Izvođenje zaključnih ocjena u novonastalim okolnostima

1. Zaključivanje ocjena u novonastalim okolnostima oslanja se na odredbe Zakona o osnovnoj školi ("Službene novine Zeničko-dobojskog kantona", broj: 3/18), Zakona o srednjoj školi ("Službene novine Zeničko-dobojskog kantona", broj: 9/17), podzakonske akte kojima se reguliše segment praćenja napredovanja, vrednovanja i ocjenjivanja učenika u osnovnim i srednjim školama, kao i na odredbe Uputstva o načinu praćenja, vrednovanja i ocjenjivanja učenika u osnovnim i srednjim školama na području Zeničko-dobojskog kantona (akt broj: 10-34-4124-3/20 od 07.04.2020. godine).
2. Zaključne ocjene po nastavnim predmetima trebale bi biti zasnovane na rezultatima koje su učenici postizali prije obustave redovne nastave, ali i njihovog učešća i rezultata samostalnog učenja tokom realizacije konsultativne nastave.
3. Zaključne ocjene po nastavnim predmetima ne mogu biti nedovoljne, niti manje od ocjena koje su zaključene na kraju prvog polugodišta iz svakog nastavnog predmeta pojedinačno, uzimajući u obzir najbolji interes djeteta.

B) Matura i završni ispiti u srednjim školama u novonastalim okolnostima

- Polaganje mature i završnog ispita u srednjim školama, nakon realizacije konsultativne nastave uz primjenu informaciono-komunikacijskih tehnologija, oslanja se na odredbe Zakona o srednjoj školi ("Službene novine Zeničko-dobojskog kantona", broj: 9/17), te na Pravilnik o sadržaju i načinu polaganja mature u gimnaziji i srednjoj tehničkoj i srodnoj školi ("Službene novine Zeničko-dobojskog kantona", broj: 6/97), Pravilnik o sadržaju i načinu polaganja završnog ispita u srednjim stručnim školama ("Službene novine Zeničko-dobojskog kantona", broj: 8/97), Pravilnik o sadržaju i načinu polaganja završnog ispita u srednjoj stručnoj školi u kojoj se nastava izvodi po modularnom nastavnom planu i programu ("Službene novine Zeničko-dobojskog kantona", broj: 9/03), Pravilnik o sadržaju, načinu i postupku polaganja mature u gimnaziji ("Službene novine Zeničko-dobojskog kantona", broj: 20/07), Pravilnik o sadržaju i načinu polaganja mature u Medresi ("Službene novine Zeničko-dobojskog kantona", broj: 9/18), te Uputstva o načinu polaganja mature i završnog ispita u srednjim školama na području Zeničko-dobojskog kantona (akt broj:10-34-4124-4/20. od 13.04.2020. godine).
- Učenici srednjih stručnih škola na završnom ispitu se oslobađaju praktičnog rada / praktičnog dijela ispita, a zaključna ocjena se izvodi iz njihovog pismenog i usmenog obrazloženja praktičnog rada / praktičnog dijela ispita.
- Ocjena ni iz jednog dijela mature / završnog ispita ne može biti nedovoljan (1), uzimajući u obzir najbolji interes djeteta.

C) Okončanje nastavne godine u osnovnim i srednjim školama na području Zeničko-dobojskog kantona u novonastalim okolnostima

Nastavna godina u osnovnim i srednjim školama na području Zeničko-dobojskog kantona okončat će se uz primjenu informaciono-komunikacijskih tehnologija, a u skladu sa Nastavnim kalendarom za školsku 2019/2020. godinu.

D) Dokumentovanje o realiziranim aktivnostima

Direktori škola su odgovorni da blagovremeno evidentiraju i dokumentuju sve aktivnosti vezane za izvođenje zaključnih ocjena iz nastavnih predmeta i mature/završnog ispita u srednjim školama, što će poslužiti kao element za potrebe inspekcijskog nadzora u školskoj 2019/2020. godini.

E) Primjena Uputstva

Ovo uputstvo se primjenjuje u svim osnovnim i srednjim školama na području Zeničko-dobojskog kantona, a uz dosljednu primjenu Odluke Kriznog štaba za sprečavanje širenja bolesti izazvane novim corona virusom (COVID-19) Zeničko-dobojskog kantona.

Također, napominjemo da su osnovne i srednje škole na području Zeničko-dobojskog kantona dužne poštovati Nastavni kalendar za školsku 2019/2020. godinu, te aktivnosti planirane u okviru Godišnjeg programa rada škole za školsku 2019/2020. godinu prilagoditi novonastalim okolnostima, a u skladu sa preporukama Kriznog štaba Federalnog ministarstva zdravstva i Kriznog štaba Ministarstva zdravstva Zeničko-dobojskog kantona.

DOSTAVLJENO:

1 x Naslovu

3 x a/a, 03/05/PZ



MINISTAR

Prof.dr. Spahija Kozlić



Bosna i Hercegovina, Zenica, Kućukovići br. 2

Tel: 032/460-840, fax: 460-842

e-mail min.obrazovanje@zdk.ba